



ახალი

„შენიერია ის, ვისაჲ სამშობლოსათვის უძგერს გული..“

# ქანიადი



„განთიად  
შინსინო  
ხინსა  
ჩაჲინსა.  
განთიად  
ნარკვამ  
შენდა  
და  
გაჩინო  
შენ..“

2023 წელი 30 შახი №5 (8192) ელფოსა AxaliGantiadi@gmail.com

„შენს ხარ ლედი ჯიქოროც, სსხელოც, გულოზი ხროთს ხარ და რძეოთიზი ზემოთ ლემო ცხენყოლო, ლემო მცხენჯელო, რაყოლოველო სამშობლოთ ლემო!..“



## თაზუი კვირახსოვლობას

დახს, აქაურებმა აპრილში პირველებმა გახსნეს წლეგანდელი საჭიდაო სეზონი და ადგილობრივი შესადლებლობების ფარგლებში მშვენიერი სასპორტო სანახაობა მოაწყეს, მისი მხილველიც სიამოვნებით გახდა უამრავი თეზელი და სოფლის სტუმარი, მით უმეტეს, იმ დღეს ქსნისპირე-

ლები “კვირაცხოვლობის” სახალხო-საეკლესიო დღეობას აღნიშნავდნენ. კარგ საქმეს უთავკაცეს ადგილობრივმა ახალგაზრდებმა, საერთო ორგანიზება კი გასწია ორმა ვეტერანმა მოჭიდავემ – კასპის სასპორტო დაწესებულებათა გაერთიანების ჭიდაობის მენეჯერმა ალექსანდრე ხუციშვილმა, რომელიც ახალგაზრ-

დობაში ფიზკულტურისა და სპორტის მეთოდისტად მუშაობდა ოკამ-თეზში, და, ასევე, თეზელმა ბიზნესმენმა გოჩა შერმადინმა, რომელიც მშობლიურ სოფელში ძველ დროების სპორტულ ტრადიციათა გაცოცხლების მოთავეა. თეზელების სასეზონო პირველობა, თავისთავად, დასასრული გეგ.

## მოხიბლური პრონიკა

### კასპის მუნიციპალიტეტის სოფელ ზემო ხანდაკში ჩააბილიტირებული საბავშვო ბაღი გაიხსნა

კასპის მუნიციპალიტეტის მერმა ვახტანგ მაისურაძემ და შიდა ქართლის სახელმწიფო რწმუნებულმა მიხეილ შაყულაშვილმა სოფელ ზემო ხანდაკში ახლად რეაბილიტირებული საბავშვო ბაღი გახსნეს.



გახსნის ღონისძიებას რწმუნებულის პირველი მოადგილე სიმონ გულედანი, მერის პირველი მოადგილე დავით ქისიშვილი, კასპის საკრებულოს თავმჯდომარე შოთა ბეგლარაშვილი, ადგილობრივი თვითმმართველობის წარმომადგენლები და აღსაზრდელების მშობლები დაესწრნენ.

შენობის გარდა მოეწყო ეზო, დამონტაჟდა ბავშვთა გასართობი საშუალებები. ამ ეტაპზე 65 ბავშვია რეგისტრირებული და იმედი მაქვს, რომ კონტინგენტი კიდევ უფრო გაიზრდება, – აღნიშნა მუნიციპალიტეტის მერმა.

პროექტი რეგონებში განსახორციელებელი პროექტების ფონდისა და ადგილობრივი ბიუჯეტის თანადაფინანსებით განხორციელდა, რომლის ბიუჯეტი 751 662 ლარს შეადგენს.

პროექტის ფარგლებში შენობას სრული რეაბილიტაცია ჩაუტარდა, მოეწყო ეზო და დამონტა-

## 18 მაისი ეროვნული სამოსის დღის აღნიშვნა

კასპის მუნიციპალიტეტში ეროვნული სამოსის დღე აღინიშნა.



კოსტიუმირებული მსვლელობა ამჯერად სოფელ ნოსტეში, ქართლის დიდი მოურავის კოშკის მიმდებარე ადგილას გაიმართა. მსვლელობაში მონაწილეობდ-



ნენ მუნიციპალიტეტში მოქმედი ქორეოგრაფიული ანსამბლები და მამაკაცთა ფოლკლორული ანსამბლი “მოურავი”. ეროვნული სამოსის დღე 2016 წელს დაწესდა, რომლის მიზანი ქართული კულტურის პოპულარიზაცია და ქვეყნის საზღვრებსგარეთ გატანაა.

### 18 მაისი მუზეუმების საერთაშორისო დღეა

მუზეუმების საერთაშორისო დღესთან დაკავშირებით კასპის მუნიციპალიტეტში მოქმედ მუზეუმებში ღონისძიებები გაიმართა.

კასპის გიორგი ხორგუაშვილის სახელობის მხარეთმცოდნეობის მუზეუმში საგანგებო გამოფენა გაიხსნა. გამოფენა ახალგაზრდა თვითნასწავლი მხატვრების: ელენე ბარნოვის, მარიამ ნონიაშვილის, დადუნა ჯავახიშვილისა და ანა ბერიანიძის ნამუშევრებს.

სასივრეთის გიორგი მაზნიაშვილის სახელ-მუზეუმში გენერლის საოჯახო ალბომიდან

ფოტოსურათების გამოფენა მოეწყო. ასევე, გამოფენა სასირეთის საჯარო სკოლის კურსდამთავრებულის მარიამ დავითაშვილის ნამუშევრები და ადგილობრივი მოსახლეობის ხელნაკეთი ნივთები.

მუზეუმების საერთაშორისო დღე 1977 წლის 18 მაისს, მუზეუმების საერთაშორისო საბჭოს მიერ დაფუძნდა და მსოფლიო მასშტაბით აღინიშნება.

კასპის მუნიციპალიტეტის მერიამ მუზეუმების თანამშრომლებს მიულოცა პროფესიული დღე.



### ფაშიზმზე გამარჯვების 78-ე წლისთავი

ფაშიზმზე გამარჯვების 78-ე წლისთავთან დაკავშირებით კასპის მუნიციპალიტეტის მერმა ვახტანგ მაისურაძემ, საკრებულოს თავმჯდომარემ შოთა ბეგლარაშვილმა, სსიპ ვეტერანების საქმეთა სახელმწიფო სამსახურის წარმომადგენელმა კასპის მუნიციპალიტეტში, თადარიგის პოლკოვნიკმა ლავრენტი ბაიდაურმა, ადგილობრივი ხელისუფლების და საზოგადოების წარმომადგენლებმა მეორე მსოფლიო ომში დაღუპული გმირების ხს-

ოვნას პატივი მიაგეს. ისინი 1941-1945 წლების აღმნიშვნელ მემორიალთან შეიკრიბნენ და გვირგვინით შეამკეს.

ღონისძიების შემდეგ სოფელ ახალქალაქში ომის ვეტერანს, 99 წლის შალვა გოჩიაშვილს ესტუმრნენ და გამარჯვების დღე მიულოცეს.

კასპის მუნიციპალიტეტის მერიამ ომის ვეტერანს ადგილობრივი ბიუჯეტიდან საჩუქრად 1000 ლარი გადასცა.



დალი კორკომაშვილი, კასპის მუნიციპალიტეტის მერიის ადმინისტრაციული სამსახურის პირველადი სტრუქტურული ერთეულის პირველი კატეგორიის უფროსი სპეციალისტი.

### ნიონ ქაქა - კასპის მუნიციპალიტეტის მოსწავლე - ახალგაზრდობის სახლის გიგანის შემსწავლელი და თეატრული მუშაობის უფასო წილის პედაგოგი.

ნიონ 10 წელია მოსწავლეებს გიტარაზე დაკვრასა და თეატრული მუშაობას ასწავლის. ორივე წრეში 40 მოსწავლეა გაერთიანებული. ნიონ და მისი მოსწავლეები თავისი ნამუშევრებით არა მარტო მუნიციპალიტეტის, არამედ შიდა ქართლის ღონისძიებებზეც იღებენ სისტემატურ მონაწილეობას.

რამდენიმე დღის წინ, გიტარის წრის მოსწავლეებმა, მოსწავლე - ახალგაზრდობის სახლის ეზოში წლის შემაჯამებელი, მეათე გამოსაშვები საღამო გამართეს.

საქართველოს კულტურის, სპორტისა და ახალგაზრდობის სამინისტროს მიერ გამოცხადებულ კონკურსში კერძო და მუნიციპალური სახელოვნებო საგანმანათლებლო სასწავლებლებისა და მათ მიერ განხორციელებული პროექტების



ხელშეწყობა - მოსწავლე-ახალგაზრდობის სახელმა 10 000 ლარის დაფინანსება მოიპოვა.

მნიშვნელოვანია, რომ პროექტის დაფინანსების დროს გათვალისწინებული იყო ნიონს და მისი მოსწავლეების მიერ თეატრული შესრულებული ნამუშევრები და სამომავლო გეგმები. აღნიშნული თანხით შექმნილი ტექნიკით გაუმჯობესდება თეატრისა და



ხელნაკეთი ნივთების დამზადების წრეების მუშაობა.

### გენდერული სწავლების ახალგაზრდა სკოლის ასაკიდან უნდა დაიწყოს



კასპის ტექნოპარკში კასპის საჯარო სკოლების მოსწავლეებთან საქართველოს პარლამენტის და პარლამენტის გენდერული თანასწორობის მუდმივმოქმედი საბჭოს წევრმა, მარიამ ლაშმა შეხვედრა გამართა.

პარლამენტის წევრი მოსწავლეებს ესაუბრა საქართველოს პარლამენტის გენდერული თანასწორობის მუდმივმოქმედი საბჭოს შესახებ და გააცნო საბჭოს მთავარი ფუნქციები.

როგორც მარიამ ლაშმა აღნიშნა, მნიშვნელოვანია გენდერული ცნობიერების ამაღლება სკოლის ასაკიდან დაიწყოს, რათა ადრეული ასაკიდანვე მოხდეს მათი ჩამოყალიბება და ფორმირება.

შეხვედრაზე მოსწავლეებს ასევე ესაუბრნენ თანამედროვე ტექნოლოგიებზე, ონლაინგანათლებასა და ელექტრონული სწავლების პლატფორმებზე. შეხვედრა კითხვა-პასუხის რეჟიმში მიმდინარეობდა.

### ივნობელი



### დალი ქაქა - კასპის №4 საბავშვო ბავშვის აღზრდის ცენტრის ხელმძღვანელი.

საბავშვო ბავშვის აღზრდის ცენტრის ხელმძღვანელი დალი ქაქა, 46 წელია, წარმატებით ხელმძღვანელობს საბავშვო ბავშვის აღზრდის ცენტრს, რომელიც ერთ-ერთი საუკეთესო ბავშვის აღზრდის ცენტრია კასპის მუნიციპალიტეტში.

მისი ხელმძღვანელობითა და თანამშრომლების მხარდაჭერით საბავშვო ბავშვის აღზრდის ცენტრში შექმნილი რეგორც ამბობენ, მათთვის საბავშვო ბავშვი მეორე ოჯახია, აღზარდლები კი საკუთარ შვილებად მიიჩნევიან.

დალი ქაქა აღზრდის ცენტრის ხელმძღვანელია, რომელიც პოლკოვნიკ ტარიელ შარიფაშვილის სახელს ატარებს, უკვე მეექვსედ მიიღო ტატო ბეჟიტაშვილი:

- ჩემთვის ამ სტიპენდიას ორმაგი დატვირთვა აქვს: პირველი ისაა, რომელიც პოლკოვნიკ ტარიელ შარიფაშვილის სახელს ატარებს, უკვე მეექვსედ მიიღო. ტატო ბეჟიტაშვილი:

ჩემთვის ამ სტიპენდიას ორმაგი დატვირთვა აქვს: პირველი ისაა, რომელიც პოლკოვნიკ ტარიელ შარიფაშვილის სახელს ატარებს, უკვე მეექვსედ მიიღო. მეორე მხრივ, აღსანიშნავია ის ფაქტი, რომ ჩვენს ქვეყანაში ამგვარი სტიპენდიები ნაკლებადაა პოპულარული და ამ მხრივ კასპის მუნიციპალიტეტი ერთ-ერთი გამორჩეულია საქართველოში. ეს არის დიდი მოტივაცია, რომელიც მიბიძგებს, ვისწავლო უმაღლეს დონეზე და ბოლოს ვიტყვი, რომ ახალგაზრდობის განათლებაში ჩადებული ინვესტიცია ქვეყნის ნათელი მომავლის საწინდარია!

მან გიორგი მაზნიაშვილის სახელობის სოფელ სასირეთის საჯარო სკოლა ოქროს მედალზე დაამთავრა. 100%-ანი დაფიცვით.



### ნანსებით ჩაირიცხა შავი ზღვის საერთაშორისო უნივერსიტეტის საერთაშორისო ურთიერთობების ინგლისურენოვანი პროგრამაზე, რომელიც ასევე წარმატებით დაასრულა.

აქამადა შავი ზღვის საერთაშორისო უნივერსიტეტის განათლების, ჰუმანიტარული და სოციალური მეცნიერებების ფაკულტეტზე, საერთაშორისო ურთიერთობების მაგისტრატურის ინგლისურენოვანი პროგრამის მეორე კურსის კვლავ წარმატებული მაგისტრანტი.

2022 წლიდან დალი ქაქა, უნივერსიტეტის სამეცნიერო ჟურნალებში რეგულარულად აქვეყნებს ანალიტიკურ ნაშრომებს საერთაშორისო ურთიერთობების საკითხებზე. აქტიურად მონაწილეობს საქართველოს სახელმწიფო და კერძო უნივერსიტეტების მიერ ორგანიზებულ სტუდენტურ სამეცნიერო კონფერენციებში.


28 აპრილს ქასპის მუნიციპალიტეტის ა(ა)იპ ბიბლიოთეკებისა და მუზეუმების გაერთიანების საქალაქო ბიბლიოთეკაში მოეწყო გამოფენა სახელწოდებით "ქასპის მუნიციპალიტეტის ბიბლიოთეკების ისტორიის ფურცლები".

ამ ღონისძიებით გაიხსნა საბიბლიოთეკო კვირეული და მიემდგვნა ბიბლიოთეკარის დღეს, რომელიც 30 აპრილს აღინიშნება.

გამოფენა მომზადდა შ/საქმეთა სამინისტროს არქივის განყოფილების უფროსის, ჩვენი თანაქალაქელის და

ქასპის მუნიციპალიტეტის წარსულისა და აწმყოს მკვლევარის, ვანო ჯახუას მიერ, ქასპის მუნიციპალიტეტის მერიისა და ქასპის მუნიციპალიტეტის ა(ა)იპ ბიბლიოთეკებისა და მუზეუმების გაერთიანების ფინანსური მხარდაჭერით.

საინტერესოდ დაკაბდონებული ბანერებით წარმოდგენილი გახლდათ საქართველოს იუსტიციის სამინისტროს სსიპ ეროვნული არქივის საისტორიო არქივში დაცული ის საარქივო დოკუმენტები და საგაზეთო პუბლიკაციები, რომლებიც მოგვითხრობენ XIX-



სოფლების; ხოვლის, კავთისხევის, ახალქალაქის, ქვემო ჭალის, მეტეხის, ერთაწმინდის, წინარებისა და ქასპის სასოფლო ბიბლიოთეკების შესახებ.

ს ა ა რ ქ ი ვ ო

დოკუმენტების წყალობით საზოგადოებაში რამდენიმე საინტერესო ფაქტის შესახებ პირველადი ინფორმაცია მიიღო.

გამოფენა - საუბარი წარმართა გაერთიანების დირექ-

### ბიბლიოთეკის ისტორიის ფურცლები

ტორმა ეთერ ჩაღუნელმა.

ღონისძიებას ესწრებიდნენ ქასპის მუნიციპალიტეტის მერის მოადგილე ზურაბ კობაძე; მერიის განათლების, კულტურისა და სპორტის სამსახურის უფროსი თეა ხორბალაძე; გაერთიანების თანამშრომლები; საზოგადოების წარმომადგენლები, მოსწავლეები.

იყო ბევრი სამადლობელი სიტყვა ვანო ჯახუას მისამართით, რომელიც არ იშურებს საკუთარ

მალეებს, დროს, რომ მოიძიოს და შთამომავლობას შეუნახოს დოკუმენტები და აყრდნობილი უტყუარი მასალა ქასპის მუნიციპალიტეტის ისტორიის შესახებ.

მთავარი ბიბლიოთეკის მენეჯერმა ხათუნა ბახუაშვილმა გაერთიანების სახელით ბიბლიოთეკარის დღე მიულოცა და სიგელებით დააჯილდოვა ამაგდარი ბიბლიოთეკარები.

ჯამბაკურ ორბელიანთა სასახლე ისტორიულად კულტურული ცენტრია, სწორედ აქ იგეგმებოდა და ხორციელდებოდა მნიშვნელოვანი შეხვედრები, კულტურული თუ შემეცნებითი ღონისძიებები. დღეს აქ რა ხდება? ამაზე ქვემოთ მოგახსენებთ.

ანასტასია ლალიაშვილი პარიზის უნივერსიტეტის სამართლის ფაკულტეტის სტუდენტია. არდადეგებზე სამშობლოში მყოფი ლამის ყანას სტუმრობს, სოფლის ისტორიით ინტერესდება. იცის, ჯამბაკურ-ორბელიანთა სასახლე-მუზეუმი რემონტია, თანამშრომლები მუშაობას სკოლის შენობაში აგრძელებენ. ანასტასიამ მათ საკუთარი სურვილი, იდეა გააცნო: "სკოლაში გამოვაცხადოთ კონკურსი, მასში მონაწილე თითოეულმა მოსწავლემ წარმოადგინოს ეროვნულ-პატრიოტულ მოტივზე დაწერილი თავისუფალი თემა სოფლის ისტორიისთან კავშირში".

მუზეუმის თანამშრომლებმა ანასტასიას იდეა მოიწონეს და აღუთქვეს ორგანიზაციული საკითხების მოგვარება. აი, სპონსორობა კი ბატონ გიორგი ლალიაშვილს "დაევალა" ქალიშვილისგან;

ლაშქარ ანელეს სამი წლის წინ გაეცნო ბატონი გიორგი ლალიაშვილი.



იგი "ლამისყანის მამულების" დამფუძნებელია. ვახის სიყვარულმა დაახლოვა სოფელს, აქ შეიძინა მამულები და დაიწყო კარგად ცნობილი თუ ლამის დავიწყებას მიცემული ვახის ჯიშების გაშენება. დაასაქმა ადგილობრივები.

გაცნობისთანავე დაუმეგობრდა მუზეუმს; არაერთი საინტერესო იდეა შესთავაზა თანამშრომლებს. მუზეუმის მოხალისე პატარა მოსწავლეებიც გაიცნო და საშობაო საჩუქრებითაც გაახარა ისინი.

სოფლის ახალგაზრდებს გვერდში დაუდგა ტრადიციულად ქვემოთ მდებარე მუზეუმის მოწყობა-ჩატარებაში.

დედაქალაქიდან სოფელში ჩამოიყვანა ექიმთა ჯგუფი, მათ უფასო კონსულტაცია და საჭირო სამედიცინო მომსახურება გაუწიეს ყველა მსურველს.

ბატონი გიორგი ლალიაშვილის ინიციატივით, სოფელს ესტუმრა

### თუ წაცი გონიერია, ხნო ჭკელომოქმეცითან ერთად

ექიმი ფსიქოლოგი, ქალბატონი თამარ კემლაგა, შეხვედრაზე მისული დამსწრე საზოგადოება ინტერესით უსმენდა და არაერთი შეკითხვა დაუსვა, რასაც ექიმი ამომწურავად პასუხობდა. იმდენად შთამბეჭდავი აღმოჩნდა ფსიქოლოგთან შეხვედრა, რომ დასრულების შემდეგაც დარბაზში კარგახანს გაგრძელდა დამსწრეთა შორის აზრთა გაზიარება...

სწორედ ბატონი გიორგი ლალიაშვილის თანადგომით კონკურსში გამარჯვებულ სამ მოსწავლეს გადაეცა ერთჯერადი "სტიპენდია".

სკოლის დირექტორი, ქალბატონი დარეჯან ჭიხინაშვილი მიესალმა ამ წამოწყებას და პედკოლექტივთან შეთანხმებით გადაწყდა, კონკურსი გამოცხადებულიყო IX-XI კლასების მოსწავლე-თათვის. მონაწილეო-



ბის სურვილი ათმა მოსწავლემ გამოთქვა. ესენი არიან: მეცხრეკლასელები: იმერლიშვილი ანანო, ონიაშვილი სალომე, ფაველენიშვილი გიორგი, ღვინიაშვილი თემური. მეათეკლასელები: პაიაშვილი თამარი, ტუხიაშვილი ხატია.

მეთერთმეტეკლასელები: ბენიაშვილი ოთარი, ჭიხინაშვილი თიკო, ჯამრიშვილი ანი.

ათივე თემა და მუზეუმის თანამშრომლებს გადასცა. მათ წაიკითხეს თემები და ერთმანეთისაგან დამოუკიდებლად საკუთარი შეფასება მინიჭებული ქულით გამოხატეს. მათთვის ცნობილია მხოლოდ სათაური და მინიჭებული კოდი, უცნობია თემის ავტორი; ეს გაცხადდება შედეგების გამოცხადებისას.

ეს დღეც დადგა. სკოლას ესტუმრა ბატონი გიორ-

გი ლალიაშვილი (ანასტასია ამ დროს პარიზშია).

შეჯამებული ქულების მიხედვით, სპონსორი იმახებს თემის "ისტორიული სასახლე - დღეს ნანგრევებად ქცეული" (კოდი 017) ავტორს. იგი აღმოჩნდა მეცხრეკლასელი გიორგი ფაველენიშვილი. მან ყველაზე მეტი ქულა დააგროვა და პირველი ადგილი ერგო. ბატონმა გიორგი ლალიაშვილმა იგი ხუთასი ლარით დააჯილდოვა; მეორე ადგ-

კონკურსის მონაწილე არც ერთი მოსწავლე არ დარჩა უსახუროდ. ბატონმა გიორგიმ დანარჩენ შეიღვს სამახსოვრო ვერცხლის ჯვრები გადასცა; უსურვა მათ წარმატებები, ესაუბრა სამომავლო გეგმებზე და დაჰპირდა მოსწავლეებს, რომ მეგობრობას გააგრძელებს. ბოლოს კი მოსწავლეები საკუთარ მამულში მიიპატიჟა ვახის მოვლაში დანერგული სიახლეების გასაცნობად.

ქასპის მუნიციპალიტეტის ბიბლიოთეკებისა და მუზეუმების გაერთიანების დირექტორი ქალბატონი ეთერ ჩაღუნელი და მისი მოადგილე თეონა ბენიაშვილი, როგორც წესი, თავიდანვე ინფორმირებული იყვნენ ლამისყანის საჯარო სკოლაში ჩატარებული კონკურსის შესახებ. ისინი გაერთიანების სპეციალისტებთან ნიკოლოზ

ლაფერაშვილთან და თამარ ნონიაშვილთან ერთად ესტუმრნენ სკოლას, შეხვედრენ მოსწავლეებს და გაიცნეს კონკურსის მონაწილენი. მონიშნეს მათი დამუშავებული თემები.

ქალბატონმა ეთერ ჩაღუნელმა მოუწონა მოსწავლეებს აქტიურობა, ესაუბრა მათ წიგნთან დამეგობრების მნიშვნელობასა და აუცილებლობაზე. მან კონკურსის მონაწილე მოსწავლეებს მათ

გაგრძელება გვ-8.

# ყსწყოი მომლოწყოი ოჯახები

შესავლის მაგიერ, ანუ საკონცერტო იდეის დაბადების თაობაზე: ასეთი კონცერტის გამართვის ჩანაფიქრი, სანამ იდეად ჩამოყალიბდებოდა და განხორციელდებოდა, დროში განვრცობილი და გაწეული აღმოჩნდა. საქმე ისაა, რომ იდეა ჩაისახა ჯერაც დაუვიწყარ თუ უკვე დავიწყებულ პანდემიურ-უსული 2020-21-წლებიან პერიოდში, როცა “დუმიდა” მუზაც და გონიც კაცისა, ვინც არ უნდა ყოფილიყო და სადაც არა, თუნდაც კასპის დაარად პატარა ქალაქში. ჰოდა, ასეთი კონცერტის გამართვის იდეა ვისგან უნდა წამოსულიყო, თუ არა შესაბამისად პროფესიული სამსახურის მესვეურთაგან, თუ არა პროფესიონალი მუშაკებისაგან, ვინც არა მარტო კულტურის დარგში საქმიანობს, არამედ ტრადიციულად მღერის, დგას სცენაზე, თვითონაა მომღერალი ოჯახების დინასტიური წარმომადგენელი.

ორგანიზატორები: ისინი ორნი არიან. ისინი ერთად იდგნენ სცენაზეც. კარგ საქმეს ხომ თავი დაადგეს, კონცერტის ჩატარების დღის დანიშვნამდეც და თარიღის გამოცხადების მერეც, თვით საკონცერტო დღესაც და უკვე მიმდინარეობისას ხომ უამრავი საორგანიზაციო საკითხი გადაეწყვიტათ და დაესრულებინათ, – აი, ახლაც თვითონვე ეკისრათ კასპელი მომღერალი ოჯახების გრანდიოზული კონცერტის გაძღოლა, წარმართვა, მონაწილეთა წარდგენა და გაცნობა, მათი მოფერება იყო თუ დაჯილდოება, კონცერტის მხარდამჭერთა და თანამდგომთა მიმართ მადლიერების გამოხატვა. ასეთად, უპირველესად, უნდა დავასახელოთ კასპელი მედიცინის მუშაკი და მეოხი კაცი მამუკა ბერიძე.

თეა ხორბალაძე მუნიციპალიტეტის მერიის განათლების, კულტურისა და სპორტის სამსახურის უფროსია, მისი პატრონაჟით ჩატარდა 2023 წლის 14 მაისის საკონცერტო ღონისძიება; ზაზა მენაბდიშვილი კი მხატვრული ხელმძღვანელია ქალაქის ომარ კელაპტრიშვილის სახელობის კულტურის ცენტრისა, რომლის სცენა მისთვის

ძალზე ძვირფასია, ნაცნობია, შეუცვლელია.

შემთხვევითი არაა, რომ კასპელი მომღერალი ოჯახების კონცერტი ვარდობისთვის ჩატარდა. შუა მაისში ქართული ოჯახების სიწმინდის დღე აღინიშნება საქართველოში – უკვე მეორედ, ქართული საქრისტიანო მრევლის მწყემსმთავრის ილია მეორის ლოცვა-კურთხევითა და ინიციატივით.

შემთხვევითი არც ის იყო, რომ კონცერტის კონფერანსიებმა, ღონისძიების მონაწილეთა გამოსვლამდე, სცენაზე უხმეს კასპელ ახალგაზრდა საკლესიო მსახურს, წმინდა მეფე ვახტანგ გორგასლის ეკლესიის მღვდელს, მამა ალექსანდრეს (გუბელაძეს).

აი, ის კი ღრმად სიმბოლური შტრიხი გახლდათ, როცა ორი ჩოხოსანი ჭაბუკი ყველა მონაწილეს, საკონცერტო ნომრების შესრულების შემდეგ, ფასიან საჩუქრებთანა და ყვავილების გვირგვინთან ერთად, გადასცემდა “ოჯახის მფარველ ხატს”.

კასპელი მომღერალი ოჯახების კონცერტის მონაწილეები:

ყაზარაშვილები – სამი დღემამიშვილის: ჯემალ, მანანა და გაია ყაზარაშვილების სამი ოჯახური წარმომადგენლობა იდგა სცენაზე. ჯემალი და მანანა არაერთხელ გამოსულან კასპში გამართულ კონცერტებზე, გაია კასპის ბენდში უკრავდა. ახლა პირველად იდგნენ მხარდამხარ თანაქალაქელების წინაშე და მათთვის იმერეს “წუთისოფელი” და “გაზაფხული შემოსულა, ლენ”... საინტერესოა, რომ ძმები დღესაც “ფორმაში” არიან. მღერიან ორივე ძმის შვილებიც. გაია დღეს კასპის ახალი ბენდის წევრია. მისი ქალიშვილი ეკა პროფესიონალი მუსიკოსია, პედაგოგობს ქ. თბილისის სიმღერისა და გალობის სასწავლებელში, ხოლო ვაჟიშვილი გიორგი პროფესიონალი დრამერი და გამოდის ქ. თბილისის სხვადასხვა ანსამბლში.

გიგაურები (სოფელი ოკამი) – დედაციური პროფესიონალი მუსიკოსია. მღეროდა საქართველოს უსინათლოთა კაპელაში. წლებ-

ის განმავლობაში პედაგოგობს სოფელ ოკამის კულტურის სახლში და არაერთი თაობის თანასოფელი ბავშვი აზიარა სიმღერის სიყვარულს. ის ამადგარი ქალბატონია. მისი ვაჟიშვილი იოსები ამჟამად კასპის ვაჟ მომღერალთა ანსამბლ “მოურავის” წევრია. ოჯახის რძალს ია ზოდიშვილს დამთავრებული აქვს თეატრალური უნივერსიტეტი. ვიგაურების ოჯახური მუსიკალურობის გამგრძელებლად იზრდება პატარა გოგონაც, 8 წლის ბარბარე, რომელიც ახლა დიდდისა და მშობლების გვერდით წარსდგა მყურების წინაშე.

ხათუნა ხაჩიძის ოჯახი – ის კასპელი ტყემალაძეების ოჯახის რძალია. წარმოშობით სოფელ მუხრანდანაა, იქაური ცნობილი მუსიკალური ოჯახის შვილი. საინტერესოა, რომ კასპში ახლა ხათუნას გვერდში ამოუდგნენ დედამაც და, ასევე, ოთხივე შვილი. ფაქტიურად, ხაჩიძის ქალის ოჯახი ყველაზე მრავალრიცხოვანი წარმომადგენლობით გამოირჩა.

ხოზაშვილები – და-ძმა, მანანა და ზვიადი მრავალჯერ გამოსულან ადგილობრივ ღონისძიებებში და ლამაზი მღერით დაუტკბიათ კასპელები. სამწუხაროდ, ზვიადი ადრეულ ასაკში გარდაიცვალა. ამჯერად მანანა გამოჩნდა სცენაზე. ცხადია, მისი ნამღერი ტკივილითა და სევდით იყო გაუღნთილი. დამ ორივე სიმღერა საყვარელი ძმის ხსოვნას მიუძღვნა, სულთათანა აღუვლინა მის სულს.

სოზიაშვილები – ო რ გ ა ნ ი ზ ა ტ ო რ თ ა ჩანაფიქრით კიდევ ერთი მუსიკალური ოჯახის წევრი გაიხსენეს: მანანა სოზიაშვილი კასპის სამუსიკო სკოლაში პედაგოგობდა მისი დაარსების დღიდან. ის ახლახან გარდაიცვალა. კასპელი სოზიაშვილების ოჯახურ ტრიოს დედაქალაქურ ოლიმპიადებზე წარუდგენია მშობლიური ქალაქი (ეს ამბავი ერთხელ აქაურებთან საუბარში გაიხსენა უფროსმა დამ, ქალბატონმა გიულიმ), ამჯერად სცენაზე გამოჩნდა უმცროსი და – ლია, რომელმაც გულითადი მადლობა მოახ-

სენა ყველას და, ბოლოს, სცენასაც გამოეთხოვა, – კასპის კულტურის სცენაზე ფეხი პირველად ექვსი წლისამ დავადგი, ახლა კი მიკროფონსაც და სცენასაც ვემშვიდობები!

კელაპტრიშვილები (სოფელი კავთისხევი) – მიხეილ კელაპტრიშვილის შვილები რომ ბრწყინვალედ მღერიან, ეს მთელმა საქართველომ უწყის, ისევე, როგორც ის, თუ ვინ იყვნენ მისი მამა და ბიძა – გერისო და ომარ კელაპტრიშვილები... მოხდა ისე, რომ მიხეილმა ამ ჯერზე მარტომ წარმოადგინა თავისი დიდი საგვარეულო.

უხნაძეები – დავითი პროფესიონალი მუსიკოსია, ცნობილი ლოტბარი და ფოლკლორისტი. მან დედაქალაქში არაერთი ანსამბლი ჩამოაყალიბა და უხელმძღვანე-

ლა (მათგან გამორჩეულია “ფესვები”). ქართული მუსიკალური ხელოვნების განვითარებაში შეტანილი ღვაწლისათვის დაჯილდოებულია “ღირსების ორდენით”... სოფელ სამთავისში მცხოვრები მისი წინაპრები სიმღერის ნიჭით გამოირჩეოდნენ. “ის ურჩენია მამულსაო” – ეს უხნაძეთა ახალთაობლებზეც ითქმის: ძველების სახელოვნებო და საშემსრულებლო გენის ბრწყინვალე გამგრძელებლად გვევლინება დავითის ასული, ანანო. ის, მცირეასაკონფობის მიუხედავად, შემდგარი ვარსკვლავია, მან უკვე დაიპყრო ქართველი მყურებისა და მსმენელის გული თავისი გამორჩეული ხმითა და ოსტატობით. ანანო კასპელების ნამდვილი კერპია, აქ ხშირად ჩამოდის და სიამოვნებით მღერის მათთვის.

მენაბდიშვილები – სცენაზე იდგა საგვარეულო სამი თაობის წარმომადგენელი: პაპა – პროფესიონალი მუსიკოსი, მომღერალი, ლოტბარი და პედაგოგი ზაზა მენაბდიშვილი; ვაჟიშვილი – ალექსანდრე, რომელიც ბავშვობიდან მღერის პროფესიონალურ დონეზე, დღეს კი ანსამბლი “ქართლის” წევრია და აქაც მამას ემეგირდება; და შვილიშვილი, ჯერეთ 11 წლის მარიამი. გოგონა მამა-პაპასთან ერთად მონაწილეობს კონცერტებში, კასპში კი მეორედ იმღერა. პირველად 7 წლისა გამოვიდა ერთ-

(დასასრული გვწ.).



მადლობა ლაშა ზუბიაშვილს მოწოდებული ფოტოებისათვის.



სპორტ INFO

აკრილ-მაისის დღიურებიდან



ელგუჯა გეჯაძის სსოვნისა

ქ. კასპის სპორტ-კომპლექსის მრავალპროფილურ დარბაზში 29 აპრილს გაიმართა მეტეხელი ელგუჯა (გუჯა) გეჯაძის (17.04.1957 – 16.01.2016) ხსოვნისადმი მიძღვნილი მემორიალური შეჯიბრება ქართულ ჭიდაობაში.

მონაწილეობდნენ ჩვენი მუნიციპალიტეტის მოსწავლე-სპორტსმენები. სასპორტო დაწესებულება ათა გაერთიანების

დირექციის (დირექტორის მ/შ შოთა გოგიაშვილი, მენეჯერი ალექსანდრე ხუციშვილი) მიერ დაწესებული ვიდეოები გადაეცათ 10 წონით კატეგორიაში გამოვლენილ გამარჯვებულებსა და მეორე-მესამე ადგილებზე გასულ მოსწავლე-ჩხოხონებს.

გაგაცნობთ ნორჩ ჩემპიონებს: დათო ნასასპორტო დაწესებულება ათა გაერთიანების

ლუკა კოშაძე (კასპი), ირაკლი რთველაძე (კასპი), თემო ოდოშაშვილი (მეტეხი), ლუკა მღებრიშვილი (მეტეხი), ნიკოლოზ ჯოღერდიშვილი (დოესი), ლუკა გულდუაძე (ლაბისყანა), ჯუმბერ მამულაშვილი (დოესი) და საბა მარტიანიშვილი (ქვემო გომი).

კვარცხლბეკოსანთა სამეულები დაავილოდეს ვეტერანმა დაცნობილმა მოჭიდავეებმა: დავით ხოდელმა, იასონ იაშვილმა, დავით კოშაძემ, ნუგზარ მამულაშვილმა, ალექსანდრე ხუციშვილმა, გიორგი ბენიაშვილმა, ბადრი ჯანაშვილმა და ოთარ ყურაშვილმა; ასევე, გაერთიანების დირექტორის მ/შ შოთა გოგიაშვილმა, შეჯიბრების ადრესატის მეგობარმა ზაზა მოსიაშვილმა და მძისვილმა ოთო გეჯაძემ.

12-წლამდელებსა სპორტის განათვა

განახლდა შიდა ქართლის რეგიონული ფეხბურთის ფედერაციის (პრეზიდენტი ალექსანდრე რევაზიშვილი) 12-წლამდე ფეხბურთელთა "ქართლის ლიგის" წლებიდან დასრულებული სეზონი.

კასპის ცენტრალური სტადიონის მოედანზე პირველი ტურ-

ის შეხვედრები 29 აპრილს ჩატარდა. მათში ასეთი შედეგები დაფიქსირდა: კასპის "განთიადი" – ანაბეთის "ლიახვი" 3:0, გორის "გორი" – ქარელის "აგარა" 1:0, ქარელის "დვანი" – ხაშურის "სურამი" 4:1, ხაშურის "ივერია - 2" – ქარელის "ბრეტი" 8:0 (მატჩები

იმსავჯა კასპელმა ზაურ დადიანიძემ).

მეორე ტურის თამაში კასპის "განთიადის" ბიჭებმა 6 მაისს ხაშურის "ივერიას" ცენტრალურ სტადიონზე ჩატარეს. მალხაზ ჯალაღის შეგირდებმა, მისი ჩათვლით მაისის ოთხივე მატჩში გაიმარჯვეს.

ყოჩაღ, ყმაწვილო განთიადელებო!

რამდენიმე ტურნირში გამოიჩინა თავი (მაგალითად, გაიმარჯვა ქ. ბოლნისში, პრიზიორი გახდა "ლერი ხაბელოვის კლუბის" შეჯიბრებაში).

ყმაწვილკაცი მოჭიდავის ასეთი სტაბილურობა მისთვის ხომ თავისებური სტიმულატორია და მეტი გამარჯვებების მიღწევისათვის განაწყობს პირად მწვრთნელსაც, მერაბ ბუნტურს.

მოსწავლეთა პირველობის პრიზიორი

კასპის სასპორტო დაწესებულებათა გაერთიანების მოსწავლე-სპორტსმენი ისაკ ბაშარული საქართველოს პირველობის მესამე პრიზიორია: ჭიდაობის ეროვნული ფედერაციის ეგიდით ახლახან დაბა სტეფანწმინდაში გამართული საქართველოს პირველობაზე (თავისუფალ

ჭიდაობაში) 15-წლამდელებს შორის ჩვენმა ბიჭმა საფინანსო ზღურბლთან წაიფორხილა და მესამე ადგილზე დარჩა. ისაკი 41 კილოგრამამდე წონით კატეგორიაში გამოვიდა. კვარცხლბეკის მესამე საფეხურზე დადგომა მის ალოცი საქმეა, ეს ხომ ქვეყნის პირველობაზე მოხდა. მანამდე კი წელს

მედიური ბულგარული კრანეოლოგი

2023 წლის 28-30 აპრილს ბულგარეთის ქ. კრანეოლოში გამართულ ვეროპის პირველობაზე შოტოკან-კარატეში წარმატებით გამოვიდნენ საქართველოს ნაკრები გუნდის წევრები, ჩვენი მუნიციპალიტეტიდან წარგზავნილი სპორტსმენები: მარიამ მანძულაშვილი და ლანა დავითაშვილი.

მათ სამივე სინჯის მედელები მოიპოვეს პირად და გუნდურ ჩათვლაში: 16-17-წლიანთა შორის მოასპარეზე მარიამამა – ოქროს 2 მედალი საკუთრივ და ერთიც, ვერცხლისა, გუნდური მეორე ადგილის დაკავებისათვის (საქართველოს ნაკრების სახელით კუმბიტეში ვიცე-ჩემპიონები მასთან ერთად გახდნენ ლიკა ფირცხალავა და ნიკოლე დემურიშვილი); 12-13-წლიანებიდან არც ლანას პირ-



ადული მონაგარი დაიწუნება, მანაც 2 მედალი ირგუნა, ბრინჯაო-ვერცხლისა. კრანეოლოში ვეროპის პირველობაზე კასპელების წარმატებულად გამოსვლა დაავგირგინა თვითონ მათმა მწვრთნელმა, კასპის ტაეკვონდო-კარატე-დოს

კლუბის პრეზიდენტმა ალექსანდრე მანძულაშვილმა. მან 41-46-წლიანთა ასაკობრივ კატეგორიაში მოსინჯა შესაძლებლობები და კვარცხლბეკის უმაღლეს საფეხურზე მდგარმა ააფრიალა საქართველოს დროსა.

უმცროსი ხიზამბარელის სარეზიტი



(ვერცხლის მედალი "ქუთაისქალაქობიდან") ალექო ხიზამბარელი 15 წლის მოჭიდავეა. ის სოფელ ქვემო გომის საჯარო სკოლის მეტეხე კლასის მოსწავლეა. მეტეხის საჭიდაო სკოლაში დაემოწაფა მის თავკაცს, ნუგზარ მამულაშვილს. ახლა მისი პირადი მწვრთნელი უმცროსი მა-

საჭიდაო გვარის წარმომადგენლები არიან. ალექო ახლახან კიდევ ერთი სპორტული ვიდეოთი შეავსო ოჯახური საჭიდაო პრიზების კოლექცია: მან ვიცე-ჩემპიონობა მოიპოვა 2 მაისს ქ. ქუთაისში გამართული სადღესასწაულო სპორტულ ღონისძიებაში, რომელიც ჩატარდა "ქუთაისქალაქობის" საჩვენებელი პროგრამის ფარგლებში და მიეძღვნა ლეგენდარული მოჭიდავის, კოლია ქვარიაშვილის, ხსოვნას. მტკვრისპირელმა ჭაბუკმა რიონისპირა ქალაქში 55 კილოგრამამდე მოასპარეზეთა შორის მხოლოდ საფინანსო ორთაბრძოლა დათმო და ვერცხლის მედალთან ერთად თასითა და დიპლომით დაჯილდოვდა.

P.S. მაისის მეორე ნახევარში კასპელი სპორტსმენების წარმატებებზე შემდეგ ნომერში ვიამბობთ.

„გენერალი“, ნელსას არ ხუმრობს ...

კასპის "გენერალი-2022" წელს "მასტერლიგის" შიდა ქართლის

მხარის პირველობაზე უპირობოდ გაიმარჯვა. ამის შემდეგ გადაერთო აღმო-

სავლეთ საქართველოს ჩემპიონატზე და ამ "ფრონტზე" გაჩემპიონ-



და. თანაც, როგორც გათამაშების მსვლელობისას მისი რამდენიმე მოთამაშე სახელდებოდა ტურისათვის თვის სიმბოლურ ნაკრებში, საბოლოოდ კი, გათამაშების შედეგების გათვალისწინებით, მთლიანი გათამაშების საუკეთესო ფეხბურთელედ დასახელდნენ: გუნდის მეკარე გიორგი გუმბერიძე, კაპიტანი ონიხე ონიშვილი, ხოლო საუკეთესო მწვრთნელად – ზაზა ჯალაღი. ცხადია, სამივე მოხვდა "მასტერლიგის" 2022 წლის გათამაშების სიმბოლურ ნაკრებში, რომელიც სპეციალურმა

ჟიურიმ შეადგინა (ლიგის პრეზიდენტის აკაკი ხლამბუსტოვის ხელმძღვანელობით). 2023 წლისათვის "გენერალი" გამოდის დედაქალაქის ემელიონში, ანუ, უფრო ძლიერ დონეზე, სადაც 3 ჯგუფია. "ბეთლაივ მასტერლიგის" მიმდინარე პირველობის მონაწილეებმა უკვე გამართეს რამდენიმე ტური. "ა" ჯგუფში ჩართული "გენერალი", როგორც ჩანს, არც ვეტერანი და ცნობილი ფეხბურთელებით დაკომპლექტებულ თბილისურ გუნდ-ფაკორიტებს

უფროსის. აგერ, შედეგებიც: 22 აპრილს "ოლდსოარსი" დაამარცხა 6:1, 29 აპრილს – "კატევე ჯგუფი" 9:1, 6 მაისს – "რაბონა" 5:2, 13 მაისს – "ანაგი სამშენებლო" 4:1, 20 მაისს კი "ფესვები 6:0. ამრიგად: 5 მატჩი – 5 გამარჯვება, ბურთები 30:5-ზე და 15 ქულა! ამასთან, მეორე ტურის სიმბოლურ ნაკრებში შეიყვანეს ონიხე ონიშვილი, მესამის თავკაცად გამოარჩიეს ზაზა ჯალაღი, მეოთხე ტურის სიმბოლურში დასახველდა ლევან გამხიტიშვილი, ხოლო მეხუთის თემურ ზარქუა.

წლებიდან დასაწყისში ქ. გორის გორგის ერისთავის სახელობის თეატრში პარტია "ქართული ოცნების" ქალთა საბჭოს ორგანიზებით შიდა ქართლის წარმომადგენლობა დაჯილდოვდა მხარის ოთხივე მუნიციპალიტეტში მცხოვრები სხვადასხვა სფეროში მოღვაწე, წარმატებული ქალბატონები - პედაგოგები, ექიმები, ხელოვნები, სპორტსმენი მწვრთნელები, სოციალური სფეროს მუშაკები.

კასპიდან დაჯილდოებულთა, ანუ, ხანგრძლივი და ნაყოფიერი შრომითი საქმიანობისათვის გამორჩეულთა შორის აღმოჩნდა შვიდი ქალბატონი. მათში ორია ჩვენი მუნიციპალიტეტის სკოლაგარეშე აღზრდის დაწესებულებათა გაერთიანების წარმომადგენელი - სოფელ ეზატის საბავშვო ბაღის აღმზრდელი მანანა იაშვილი და ქ. კასპის მეორე საბავშვო ბაღის აღმზრდელი ნანა დალაქიშვილი.

მათ შესახებ არაერთხელ თქმულა გაზეთის ფურცლებიდან, მაგრამ კიდევ ერთხელ გვესურს, ვისარგებლოთ მათი პროფესიული და პერსონალური წახალისების ფაქტით, მიულოცოთ "პერსონა გრატად" აღიარება და ამჯერად უფრო ახლოს გაგაცნოთ კასპელი აღმზრდელის საქმიანობა, ოდნავი მოგვიანებით კი მისი კავთურის ხეობელი კოლეგისა.

\*\*\*

ქალბატონი ნანა დალაქიშვილი მოკრძალებული რესპოდენტი აღმოჩნდა. არ უყვარს საკუთარ თავზე ლაპარაკი და მორჩილი დაუინების შემდეგ, სხვანაირად რახან არ ეგების, შუქლია, თავისი 36-წლიანი მუშაობის სტაჟისა და გამოცდილების თაობაზე სათქმელი დასატიოს თაბახის ფურცლის გვერდნახე ვარზე, ეგაა და ეგ! მოვუსმინოთ მას:

ნანა დალაქიშვილი - ქ. კასპის მეორე საბავშვო ბაღის აღმზრდელი: - 1987 წელს დავაშთავრე ქ. თბილისის იაკობ გოგებაშვილის სახელობის სახელმწიფო პედაგოგიური სასწავლებელი. ის-ის იყო, ქალაქის მეორე საბავშვო ბავშვობაში გამოცხადდა ვაკანსია. გამომართლა, აღმოვჩნდი ჩემთვის სასურველ სამყაროში. ჰოდა, დღემდე ვმუშაობ. მაქვს 36-წლიანი გამოცდილება.

ეს ის ადგილია, სადაც ჩემი პატარებისა და პირადად ჩემთვისაც სასიამოვნო გარემოა შექმნილი. საბავშვო ბაღი ჩემთვის მეორე დიდი ოჯახია. ყოველ დღით, როგორც მზის ამოსვლას, ისე ველოდები ბავშვებთან შეხვედრას. მათ ჩემით უხარიათ და მე მათ. დღეს მყავს ბავშვები, რომლებიც ჩემი ყოფილი აღსაზრდელის (აღზრდილების) შვილები არიან. ბევრი ვერ წარმოიდგენს, ასეთი ფაქტი რამდენად სასიამოვნო სტიმულატორია ჩემთვის.

აღმზრდელიობა საკმაოდ საპასუხისმგებლო პროფესიაა. იზრუნო თანაქალაქელების შვილების სიცოცხლეზე, ჯანმრთელობაზე, უნარ-ჩვევების გამომუშავებასა და განვითარებაზე, მორალურ და პიროვნულ აღზრდასა და ჩამოყალიბებაზე - ეს დიდი მისიაა! აღმზრდელად მაშინ შედგები, თუ თითოეულ აღსაზრდელს ისევე უნერგავ მშობლებისა და უფროსების პატივისცემას, მეგობრობის გრძნობას, სამშობლოსა და უფლის სიყვარულს, როგორადაც საკუთარ შვილებს.

... მერე, როცა დრო გადის და მაგანი მშობელი მადლიერებას გამოხატავს, აი, მაშინ ნამდვილად ბედნიერი ვარ. ცხადია, უფრო მოტივირებულიც ვხდები.

აბა, სხვა რა ვთქვა... არაერთხელ ვმონაწილეობდი სხვადასხვა სასწავლო-თეორიული ხასიათის

შეკრებაში, კვალიფიკაციისა და ცოდნის გადასამზადებელ და ასამაღლებელ კურსებზე... განათლების სისტემაში ხანგრძლივი და ნაყოფიერი საქმიანობისათვის 2004 წელს გამომეცა საპატიო დიპლომი, 2015 წელს მერგო "საუკეთესო აღმზრდელის" წოდება. აგერ, ახლახან, როგორც "2023 წლის პერსონა", გამოიცხადეს მადლობა...

რეზიუმეს სახით, ჩემს თავზე, ასე ვიტყვი: - ყველაზე მთავარი, თუ აქამდე როგორ მოვედი, ისაა, რომ მქონდა ძალიან ლამაზი და ლაღი ბავშვობა. მინდოდა, მუდამ დავრჩენილიყავი ბავშვების გარემოში, მათებურ სამყაროში. მე ეს შეეძლო, ვარიქ, სადაც ყოფნა მსურდა!

\*\*\*

ახლა მის კოლეგებსაც მოვუსმინოთ:



თამარ ხოკრიშვილი - ქ. კასპის მეორე საბავშვო ბაღის გამგე: - ადრეულ ასაკში ბავშვისადმი სათანადო დამოკიდებულება და ზოგადი უნარების განვითარება განაპირობებს მომავალში მისი პიროვნების ჩამოყალიბებისა და ინტელექტუალური, ფიზიკური, სოციალური და

ემოციური მდგომარეობის ფორმირებას.

კასპის მეორე ბავშვობაში ვმუშაობ 2013 წლიდან. ჩემი ყურადღება აქ მოსვლის პირველივე დღიდან მიიქცია ჩვენი ბაღის აღმზრდელმა ქალბატონმა ნანა დალაქიშვილმა. რითი? - თავისი ორგანიზებულიობით, პატარებთან კომუნიკაციის საოცარი უნარით, მდიდარი ფანტაზიით, იუმორით, წესრიგიანობით. ამიტომ მას ჩაბარდა სასკოლო ასაკის ჯგუფი. გაამართლა კიდევ ჩემმა ჩანაფიქრმა. მადლიერი მშობლები არ ივიწყებენ ნანა მასწავლებლის ამბავს. ჩვენი ყოფილი აღსაზრდელის - ამჟამად სკოლის მოსწავლეების - პედაგოგები ყოველთვის აღნიშნავენ, რომ "ნანას ჯგუფიდან" სკოლაში მისული ბავშვები გამოირჩევიან ცოდნითა და წესრიგით, თითოეული მათგანი მატარებელია ყველა იმ უნარ-ჩვე-

ქალბატონი ნანა აგრძელებს აღმზრდელიობით პროცესს მისთვის ჩვეულ რეჟიმში. მისი ორგანიზებით ჩატარებული ყველა ღონისძიება სასიამოვნო ხასიათს და დაუვიწყარია.

ღიას, ვადასტურებ, რომ ნანა დალაქიშვილის აღსაზრდელი იქნენ ისეთ უნარებს, რომლებიც ბავშვებს ეხმარება სკოლასთან ადაპტირებასა და სასკოლო მასალის ადვილად დაძლევაში. ამიტომ ყოველთვის მემეძლება ჩვენი ნანა მასწავლებელი.

\*\*\*

მარინა დალაქიშვილი - ქ. კასპის მეორე საბავშვო ბავშვობის ფსიქოლოგი: - ამ კოლექტივში 2001 წლიდან ვმუშაობ და დარწმუნებით შემიძლია თქმა, რომ ჩვენი ნანა მასწავლებელი ძალიან მოტივირებული, ენერგიული პედაგოგი და აღმზრდელია. მას, ალბათ, საკუთარ თავზე მეტადაც უყ-

### პეტსტნა გლაპტული სამცაბტდან



კოლეგიალური და მშობლებთანაც კარგი ურთიერთობების მქონე. ის ბავშვებს თავის სიყვარულს აფრქვევს. ამიტომ აღმზრდელი და საბავშვო ბაღში ხალისით მოიქარა მასთან შესახვედრად.

\*\*\*

ეკა ქარჩავა - ქ. კასპის მეორე საბავშვო ბავშვობის მეთოდისტი:

- ბევრი თქმულა და ბევრიც ითქმება აღმზრდელის პროფესიაზე. ყველას ჩვენებურად გვემის მისი ფუნქცია და მოვალეობა, მაგრამ ვთანხმდებით მთავარ საკითხზე: აღმზრდელი უნდა იყოს, უპირველესად, სამართლიანი და ობიექტური. ღიას, იყო ყველა "პროფესიის დედა-მშობელი", ანუ ასწავლიდე მომავალ ექიმს, ოურისტს, ინჟინერს, პოლიტიკოსს და ა. შ. ეს არა მარტო პასუხისმგებლობაა, არამედ უფლისაგან კურთხეული საქმეა! დალოცვილია ყველა აღმზრდელი, ყველა პედაგოგი, ვისაც ერთი აგური დაუდვია და მომავალი უმუნებია, მომავალი თაობის აღზრდაზე უფიქრია, სიმძნელებითა და

პრობლემებით აღმზრდელთანაც კარგი ურთიერთობების მქონე. ის ბავშვებს თავის სიყვარულს აფრქვევს. ამიტომ აღმზრდელი და საბავშვო ბაღში ხალისით მოიქარა მასთან შესახვედრად.

ა ს ე ა , აღმზრდელ-პედაგოგობა თითქოს მუდმივად გაბრუნებს ბავშვობაში და მარადმწვანე ხდები... "თავად უნდა იყო მზე, რომ მოსწავლეებმა შეძლონ გაციკროვნება" - სწორედ ასეთია ჩვენი ბაღის დამსაზრებელი აღმზრდელი ნანა დალაქიშვილი. მიუხედავად მრავალწლიანი გამოცდილებისა, მუდმივად ვითარდება, აღსაზრდელის პოზიციიდან უყურებს სამყაროს. ასეთ დროს მათ შორის ასაკობრივი ბარიერი ქრება. მათთვის ცხოვრების ხიდა, რადგანაც თითოეულს აღიქვამს თანატოლად.

მისთვის გამოწვევაა ყოველი ახალი სასწავლო წელი და ამიტომ ინარჩუნებს ყოველთვის ენერჯის, ენთუზიაზმს, შრომისმოყვარეობას.

2023 წლის 14 ივნისს ის კლავაც დიდი სიყვარულით გააცილებს ბაღის უფროსი ასაკის ჯგუფს და გზას დაულოცავს სკოლისაკენ.

# თუ ყველა გონიერია, ახლ კვლამოქმედთან ერთად

**დასასრული. დასაწყისი გვკ.**

თვის სპეციალურად დაშვებული სამხსოვრო სიგელები გადასცა.

სკოლის დირექტორმა ქალბატონმა დარეჯან ჭიხინაშვილმა მადლობა გადაუხადა სტუმრებს მობრძანებისათვის, მოსწავლეებთან გულთბილი შეხვედრისა და საინ-

ტერესო საუბრისათვის; თავის მხრივ, მან დააანონსა, სკოლასა და მუზეუმს შორის მემორანდუმის გაფორმების აუცილებლობა, რაც გაააქტიურებს კულტურულ-საგანმანათლებლო საქმიანობას და მასში მოსწავლეთა ჩართულობას.

სოფიო ცუცუნაშვილი — ფაველენიშვილი.

**“ფრთიანი ფრაზები”**

ზავშვონში ნათქვამი “ფრთიანი ფრაზები” დამსახურებულად იკავებენ ადგილს ოჯახურ “ოქროს ფონდში,” თაობიდან თაობას გადაეცემა და ყველა შინაურული თავყრილობის მთავარი სახალისო საამბოა არიან. შეინახეთ თქვენი ზავშვონის საინტერესო ნუთები ჩვენს რუბრიკაში “კეხურა” და გახდით რუბრიკის სტუმარი.

## „სალამურს ენა ჩაჰყვამი..“



**(დასასრული. დასაწყისი გვკ.)**

ლელა პეტრიაშვილს, რომლებიც მუდამ გვერდში უდგანან პედაგოგებს მომავალი თაობის აღზრდის საქმეში.

შთამბეჭდავი და დაუვიწყარი დღისათვის მადლობა მოახსენეს ქალბატონ ციმი კელაპატრიშვილს და ქალბატონ ნანა შალიტაურს და იმედი გამოთქვა, რომ მომავალ-

ში მჭიდრო მეგობრული ურთიერთობა დამყარდება თვალადელ და კასპელ მოსწავლეთა შორის.

მასპინძლებთან დამშვიდობების შემდეგ ექსკურსია თვალადში გაგრძელდა, სადაც მოსწავლეებმა ნახეს მწერლისა და საზოგადო მოღვაწის გიორგი შატბერაშვილის სახლი, სოფელ კავთისხევში კი ყვავილებით შეამკეს მისი ბიუსტი.

# ინოვაციები

საზღვრის საერთაშორისო უნივერსიტეტი  
INTERNATIONAL BLACK SEA UNIVERSITY, LLC



გაიცანით ბაკალავრიატის IV კურსის წარმატებული სტუდენტი ლალი ოსიყმიშვილი.

ოქროს მედალზე დაამთავრა ქალაქის №1 საჯარო სკოლა. 100%-ანი სახელმწიფო გრანტით სწავლა განაგრძო შავი ზღვის საერთაშორისო უნივერსიტეტის ბიზნეს-სა და ტექნოლოგიების

ფაკულტეტზე, ინგლისურენოვან პროგრამაზე. მუნიციპალიტეტში ეროვნულ გამოცდებში ქართულში და ზოგადუნარებში ყველაზე მაღალი ქულის მიღებისთვის მერიისგან გადაეცა ფულადი ჯილდო.

უნივერსიტეტში პირველი კურსიდან დღემდე დანიშნული აქვს ყოველთვიური სტიპენდია. 2022 წელს, ხუთ თანაკურსელთან ერთად, მონაწილეობდა საქართველოს ბანკისა და TBCS Consulting-ის მიერ ორგანიზებულ კონკურსში, მათ ჰარვარდის ბიზნეს ქეისების ამოხსნის ყველა ეტაპი წარმატებით გადალახეს, დაიკავეს მე-

ორე ადგილი, რომლის საპრიზო ფონდი 6 000 ლარს შეადგენდა.

4 წლის განმავლობაში მეხუთედ გახდა კასპის მერიის მიერ დაწესებული პოლკოვნიკ ტარიელ შარიფაშვილის სახელობის სტიპენდიის მფლობელი. ამჟამად სწავლობს ბაკალავრიატის მეოთხე კურსზე ფინანსების ინგლისურენოვან პროგრამაზე და იმავე პროფესიით მუშაობს დიდი ოთხეულის ერთ-ერთ საერთაშორისო აუდიტორულ კომპანიაში Ernst&Young, სადაც გადის სტაჟირებას და გვემავს სამომავლო კარიერის გაგრძელებასაც.

## თაზუი კვირახსოვლობას

**(დასასრული. დასაწყისი პირველ გვერდზე.)**

გამოწვევა სხვა სოფლებში მცხოვრებთათვის: აბა, კიდევ სად არიან ენთუზიასტები, ქართული ჭიდაობის გულანთებული მოყვარულები? სოფელ თეზის კვირაცხოვლის

ეკლესია წამომართულია სასაფლაოს მალლობზე და მედიდურად გადაჭყურებს ქსნის ხეობის სანახებს. ჩამოდაბლებულზე, რამდენიმე საუკუნის მუხისა და მრავალწლიანი აკაკის ხის მიმდებარე მცირე მდელოზე გაწყობილ ბურ-

ბუშელიან საჭიდაო წრეში 14-15 წლის ყმაწვილკაცებმა იმგვარი ფიცხელი ორთაბრძოლები გამართეს, თქვენი მოწონებული!

აი, ისინი, თეზში გამართული მუნიციპალური ღია პირველობის სხვათა მჯობნი: საბანატროშვილი (სოფელი ქვემო გომი), ოთარ ქო-

თოლაშვილი (თეზი), გოგა ჭიხინაშვილი (ლაშისყანა), თამაზ ქოთოლაშვილი (თეზი), არსენა დვალიშვილი (კასპი), ნიკო ჩერქეზიშვილი (ბოჟამი), გიგა ხრიკული (თეზი), გიორგი ოქრუაშვილი (წილკანი), ჯუმბერ მაძულაშვილი (დოესი), საბა მარტიაშვილი (ქვემო გომი).

## სსოვნა

### ნანი მარაბაშვილი-მოსიაშვილი

ნანი ღეიდა, დიდებულო ქალბატონო! როგორ მოგვანატრე თავი... ხშირად გვი-საუბრია, რომ ცხოვრება მოკლეა, წუთის სოფელია, წილხვედრ სიკვდილსაც ვერავინ გაქცევია და მაინც, როგორ ცხადდაც არ უნდა დაინახო, განჭვრიტო თუ გააცნობიერო, მაინც უძნელესია საყვარელი ადამიანის გარდაცვალება...



გოგითას მერე თითქოს გამოხედვაც შეეცვალა, იმდენი სევდა და იტია თქვენმა თვალებმა... და ვერავინ გშველოდით... თითქოს სიკვდილი გეჩქარებოდათ. თქვენი სააქოდან გასვლის ორი წლისთავზე უკვე დაბეჯითებით შეიძლება ვთქვათ როგორ დაგვაკვლით, როგორ გვენატრება თქვენთან გატარებული საღამოები, თქვენი დადებითი ფიქრები და დღენიდაგი ზრუნვა.

როგორი ბრძნად მეტყველიც არ უნდა იყო, თითქოს ხელიდან ვისხლტება მთავარი სათქმე-

### იზო დემატრაშვილი-ბახუაშვილი

ჩემო იზო, ორმოცი დღე გავიდა შენი სააქოდან გასვლისა. როგორი თბილი, სულგრძელი, ღიმილიანი ადამიანი იყავი, ერთი საწყენი სიტყვაც არ ახსოვს შენგან ვინმეს, მხოლოდ ძარღვიანი ქართულით აგრძნობინებდი შენს კეთილშობილებას, შენს ადამიანურ თვისებებს გარშემომყოფთ.



გვენატრები ... გვენატრება შენი გულგადასწინილი მასპინძლობა, დიასახლისობა, შრომისმოყვარეობა, არაფერისგან შექმნი ქართული ტრადიციებით მდიდარი ოჯახი, შენი შვილები და შვილიშვილები გაგრძელებასა წარსულის განახლებული ფესვებისა. გიყვარდა სიცოცხლე და ეფერებოდი ოჯახს, ყვავილებით ამშვენებდი ეზო-კარს, თანაგრძნობა და ქველმოქმედება არ იყო შენთვის უცხო და ამიტომაც დათესე სიყ-

ვარული, დაიმსახურე მთავრობის უმაღლესი ჯილდო “ღირსების ორდენი”, მაგრამ ყველაზე დიდი ჯილდო შენთვის იყო ერთგული მეუღლე, აწ განსვენებული ჯემალი და შენი ნამაგარი მომავალი. გული ასმაგად ივსებოდა კეთილი სულის მონაბერი ნიაგით, როს შვილების წარმატებებს გამცნობდა ...

არ ველოდი შენს სიკვდილს ...

კეთილი იყოს შენი ზეციური ამაღლება აწ და მარადის!

ყაბანაშვილების ოჯახი.

რედქციაში შემოსული წერილები არ რეცენზირდება და ავტორებს არ უბრუნდებათ

**გაზეთი იბაძევა შ.პ.ს. კოლორი პრესი**

**რედაქცია სელაქანაძე თაინაშვილი პრესის პრინციპით. სტაჟიის ავტორის აზრი, შესაქმონა არ ემთხვევა რედაქციის აზრს. მოგანილი ფაქტების სიზუსტეზე პასუხისმგებელია ავტორი. სარედაქციო მასალები და განხილვების შედეგები რედაქციაში პასუხს არ აწვდის. რედაქციის ნებართვის გარეშე მასალების გამოქვეყნება იკრძალება.**

**რედაქცია ნანა მარაბაშვილი**

**რედაქციის მისამართი: 2600 ქ კასპი სააქაძის ქ. № 68 ცეცხლოვანი 22-25-76**